

SERVIZO MUSEOS

CONCELLERÍA
DE
CULTURA

CONCELLO
DE VIGO



EXPTE.- 4347/341

ASUNTO.- CONVOCATORIA PÚBLICA PARA PRESENTACIÓN DE PROPOSTAS MUSICAIS PARA O DESENVOLVEMENTO DUN CICLO DE CONCERTOS NOS XARDÍNS DO MUSEO MUNICIPAL QUIÑONES DE LEÓN

1.- INTRODUCCIÓN

A concellería-delegada da Área de Goberno de Patrimonio Histórico, Cultura e Igualdade ten encomendadas as competencias en materia de museos, entre elas as de fomento de toda clase de actividades que promovan a creatividade artística, así como a programación de exposicións e outras expresións plásticas nos equipamentos que forman parte da Rede de Museos Municipais.

Como parte da programación de verán, o Concello de Vigo deseñou un programa de actuacións musicais ao aire libre nos xardíns do Museo Municipal Quiñones de León. As actuacións atenden a diferentes xéneros musicais, desde música indie ao rock ou o jazz.

A programación desta iniciativa nun espazo patrimonial extraordinario como o Museo Municipal Quiñones de León – Pazo de Castrelos permite establecer vínculos entre a cidadanía e o museo, a historia do pazo e os seus xardíns e, ao tempo, garantir unha oferta musical atractiva e de interese para a cidadanía e crear espazos de encontros culturais abertos e festivos. Por este motivo, a Concellería de Cultura está a organizar a programación dun ciclo de concertos nos xardíns do Pazo de Castrelos a través dunha convocatoria, que permitirá seleccionar os máis atractivos e suxestivos. Así, por medio da mesma ofrécese a posibilidade de que os xestores musicais ou grupos musicais poidan propor os seus concertos e espectáculos para ser valorados e, no seu caso, incorporados á programación que a Rede de Museos do Concello de Vigo define para o Museo municipal.

Na selección terase en conta a presenza dun abano amplo e representativo do maior número posible de xéneros musicais diferentes.

2.- OBXECTO DA CONVOCATORIA

Esta convocatoria ten por obxecto a selección dos concertos que formarán parte do ciclo de concertos nos xardíns do Pazo de Castrelos no verán de 2026.

A participación efectuarase en réxime de concorrencia competitiva, de acordo cos principios de publicidade, transparencia, obxectividade, igualdade e non discriminación, así como os de eficacia no cumprimento dos obxectivos fixados e de eficiencia na asignación e utilización dos recursos públicos.

3.- DATA DE PROGRAMACIÓN

Todas as actividades desenvolveranse os domingos ás 12:30 h, durante o mes de xullo.

As actividades terán unha duración máxima de entre 60 e 90 minutos dependendo do seu carácter.

4.- OBXECTIVOS XERAIS DA PROGRAMACIÓN

A proposta de programación terá como obxectivos principais as seguintes liñas básicas establecidas pola Concellería-delegada de Cultura:

- Acceso do público xeral a todos os concertos.
- Captación do novos públicos: público adulto que non adoita achegarse aos espazos expositivos pero receptivo a experiencias amables, atractivas e suxestivas que atrapen a novos espectadores e creen a necesidade de volver ao museo.
- Fidelización de públicos: continuidade da programación que manteña aos espectadores xa consolidados polo desenvolvemento doutros programas.



Copia do documento - Concello de Vigo	Data impresión: 13/04/2026 14:21	Páxina 1 de 5
4347-341	CSV: ABB4A2-E9AFCA-8621DF-TDQPTB-XNK378-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

SERVIZO MUSEOS

CONCELLERÍA
DE
CULTURA

CONCELLO
DE VIGO



- d) Ofrecer experiencias novas ao público que xa coñece o programa introducindo novas liñas de actividades.
- e) Apoio aos profesionais e entidades profesionais viguesas e galegas.

5.- LUGAR DE CELEBRACIÓN DAS ACTIVIDADES

Os concertos desenvolveranse nos xardíns anexos á fachada principal do Museo Municipal Quiñones de León - Pazo de Castrelos.

O Museo non conta con persoal técnico de ningún tipo, como puideran ser técnicos de son e/ou luces; só dispón de persoal de atención ao público con funcións exclusivas de control de accesos e de asistencia ao público. Para poder realizar o ciclo de concertos faise preciso contratar o servizo de produción técnica dos mesmos.

6. MEDIOS DISPOÑIBLES

Para garantir a produción técnica dos concertos o museo porá a disposición dos e das artistas o seguinte material:

- 1 equipo de son tipo ARION SL-5 composto por:
 - Mesa de mesturas tipo Berhinger dixital de 32 canles 16 envíos XLR
 - Stagebox en escenario con cable rj-45 de conexión mesa de son
 - 8 tops de 10" estacados sobre subgraves
 - 4 subgraves de 15" autoamplificados
 - 3 monitores de 500 w
 - 2 monitores QSC de 1000 w para frontfill
- Microfonía:
 - 5 Shure SM 58
 - 5 Shure-SM 57
 - 1 AKG 112 MKII
 - 4AKG C430
 - 4 AKG D40
 - 4DI
 - Soporte de microfonía
- Escenario tipo Layher de 6,21 x 4,14 x 1 m con escada de acceso.
- Acometidas eléctricas, enganche en cadro xeral acometidas, alargos...
- Persoal de coordinación técnica

As propostas musicais deberán adaptarse a estas condicións técnicas. De seren necesarios outros materiais adicionais deberán incluírse no orzamento que se presente e correrán a cargo da ou do artista.

7.- PRAZO DE PRESENTACIÓN DE PROPOSTAS

O prazo de presentación das propostas será de 15 días naturais, a contar dende o día seguinte á publicación do anuncio no perfil do contratante do Concello de Vigo, aloxado na Plataforma de Contratos do Sector Público.

Non se aceptarán propostas recibidas fóra deste prazo.

8. FORMA DE PRESENTACIÓN DAS PROPOSTAS

As propostas presentárase mediante documento único co seguinte contido:

- Denominación do profesional, empresa ou compañía/artista e do concerto.



Copia do documento - Concello de Vigo	Data impresión: 13/04/2026 14:21	Páxina 2 de 5
4347-341	CSV: ABB4A2-E9AFCA-8621DF-TDQPTB-XNK378-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

SERVIZO MUSEOS

CONCELLERÍA
DE
CULTURA

CONCELLO
DE VIGO



- Datos de contacto: persoa, enderezo electrónico, teléfono/s.
- Datos do representante legal no caso de contratación: denominación fiscal, CIF/NIF, enderezo social, enderezo electrónico, teléfono/s.
- Breve descrición do grupo e da súa traxectoria musical e do concerto proposto, incluíndo duración.
- Necesidades técnicas a asumir polo Concello de Vigo, de ser o caso.
- Orzamento da actividade: base impositible, IVE a imputar, posible IRPF, importe total.

As propostas deberán presentarse exclusivamente a través do Rexistro electrónico do Concello de Vigo (<https://sede.vigo.org/expedientes/usuarios/login.jsp?lang=ga>), indicando no asunto Ciclo de concertos Museo Municipal Quiñones de León 2026.

9. NÚMERO TOTAL DE PROPOSTAS

O número total de propostas virá determinado polo orzamento máximo dispoñible e a programación definitiva. O máximo de propostas para concorrer a esta convocatoria é de unha por profesional ou entidade.

10.- CRITERIOS DE SELECCIÓN

Os criterios que se valorarán en cada caso, exclusivamente en base á información achegada na proposta, serán os seguintes:

I. Interese musical, cultural e/ou artístico da actividade. Valorarase a calidade, orixinalidade, novidade e repercusión social da actividade e a procura dun público destinatario amplo.

II. Traxectoria, experiencia e formación dos artistas e profesionais. Valorarase a experiencia e a traxectoria dos profesionais e entidades no desenvolvemento dos concertos. Do mesmo xeito, valoraranse posibles premios e/ou mencións do espectáculo dende xaneiro de 2021, participación en festivais ou certames nacionais e internacionais.

III. Adaptación ao orzamento xeral da programación. Ningunha proposta poderá ter un custo superior aos 3.000 € máis IVE, con todos os conceptos e impostos incluídos.

11. VALORACIÓN DAS PROPOSTAS

Rematado o prazo de presentación de propostas procederase á selección das mesmas por unha comisión de valoración formada por:

- Concelleiro-delegado de Cultura.
- Persoal técnico do Servizo de Museos.

A Concellería da Área de Goberno de Patrimonio Histórico, Cultura e Igualdade aprobará a selección de propostas e notificarase aos seleccionados.

12.- CONTRATACIÓN DAS PROPOSTAS SELECCIONADAS

O Concello de Vigo contratará as propostas musicais seleccionadas mediante un expediente de contratación de servizos (artigo 17 da LCSP) e realizarase a través dun contrato de gasto menor, toda vez que o importe non superará os 15.000 € (artigo 118 da LCSP). Este contrato pode cualificarse como contrato privado de conformidade co previsto no artigo 26.1.

O contratista que oferte a actividade ou espectáculo que sexa seleccionado deberá cumprir as seguintes condicións mediante sinatura, no seu momento, dunha declaración responsable nos seguintes termos:

- Que acepta as condicións do contrato.
- Que ostenta a capacidade de representación da entidade de referencia.



Copia do documento - Concello de Vigo	Data impresión: 13/04/2026 14:21	Páxina 3 de 5
4347-341	CSV: ABB4A2-E9AFCA-8621DF-TDQPTB-XNK378-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

SERVIZO MUSEOS

CONCELLERÍA
DE
CULTURA

CONCELLO
DE VIGO



- Que ten capacidade de obrar e contratar e conta coa habilitación profesional necesaria para realizar a prestación.
- Que non está incurso en prohibicións para contratar coa Administración.
- Que cumpre coas obrigas establecidas nas disposicións vixentes en materia de protección do emprego, igualdade de xénero, condicións de traballo e prevención de riscos laborais.
- Que manterá absoluta confidencialidade e reserva sobre calquera dato ou información á que poida ter acceso con ocasión do cumprimento das obrigacións derivadas do contrato, polo que cumprirá, en todo caso, o disposto na Lei orgánica 3/2018, do 5 de decembro, de protección de datos persoais e garantía dos dereitos dixitais, e o Regulamento (UE) 2016/679 do Parlamento Europeo e do Consello, do 27 de abril de 2016.
- Que se compromete a cumprir os seguintes principios éticos e de conduta:
 1. Cumprir cos principios éticos, e no seu caso, o código deontolóxico, da súa profesión ou oficio.
 2. Deberán ter unha conduta eticamente exemplar, absténdose de fomentar, propoñer ou promover calquera práctica eticamente reprobable. De ter coñecemento de prácticas deste tipo deberán poñelo inmediatamente en coñecemento do órgano de contratación.
 3. Comprometeranse a que a súa participación no procedemento sexa competitiva, e absteranse de realizar prácticas colusorias que impidan a libre competencia concertándose para iso con outros licitadores. De ter coñecemento de prácticas deste tipo, deberá poñelo inmediatamente en coñecemento do órgano de contratación.
 4. Comunicarán inmediatamente ao órgano de contratación as posibles situacións de conflito de intereses que lles afecten, ou que poidan afectar a outros licitadores.
 5. Denunciar ao órgano de contratación as situacións irregulares que se produzan nos procesos de licitación e execución dos contratos.
 6. Non solicitarán, nin directa nin indirectamente, aos cargos ou empregados públicos do Concello que inflúan na licitación, adxudicación ou execución do contrato.
 7. Non ofrecerán nin directa nin indirectamente aos cargos ou empregados públicos do Concello que inflúan na licitación, adxudicación ou execución do contrato, vantaxes ou beneficios persoais ou materiais.
 8. O contratista deberá respectar o carácter confidencial daquela información á que teña acceso con ocasión da execución do contrato á que se lle deu o referido carácter nos pregos ou no contrato, ou que pola súa propia natureza deba ser tratada como tal. Este deber manterase durante un prazo de cinco anos desde o coñecemento desa información, agás que os pregos ou o contrato establezan un prazo maior.

13.- RESOLUCIÓN DA PROGRAMACIÓN

O Concello de Vigo publicará no perfil do contratante, aloxado na Plataforma de Contratos do Sector Público, a resolución aprobatoria das propostas seleccionadas no prazo máximo de 10 días naturais a contar dende o día seguinte á finalización do prazo de presentación.

A continuación, o Concello de Vigo iniciará os expedientes de contratación das actividades aprobadas polo procedemento indicado.



Copia do documento - Concello de Vigo	Data impresión: 13/04/2026 14:21	Páxina 4 de 5
4347-341	CSV: ABB4A2-E9AFCA-8621DF-TDQPTB-XNK378-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

SERVIZO MUSEOS

CONCELLERÍA
DE
CULTURA

CONCELLO
DE VIGO



Á vista do exposto, procedería publicar no Perfil do contratante unha convocatoria pública para **PRESENTACIÓN DE PROPOSTAS MUSICAIS PARA O DESENVOLVEMENTO DUN CICLO DE CONCERTOS NOS XARDÍNS DO MUSEO MUNICIPAL QUIÑONES DE LEÓN**, indicando os prazos para a presentación de propostas, os criterios para a selección das mesmas e o procedemento que se seguirá para a súa selección.

Vigo, na data da sinatura dixital

O xefe do servizo de Museos
José Manuel Rey García

Conformes.-

O concelleiro-delegado de Cultura (res. 25.09.2025 BOP núm. 186 do 30.09.2025). Gorka Gómez Díaz

A concelleira-delegada da Área de Goberno de Patrimonio Histórico, Cultura e Igualdade (resolución do 25.09.2025 (BOP núm. 186 do 30.09.2025). María Carmen Silva Rego

